



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelæ Geographiae Veteris Et Novae

Briet, Philippe

Parisiis, 1648

§. 2. Admiranda in Castellâ.

urn:nbn:de:hbz:466:1-13147

CAPVT IX.

De Mirabilibus Hispaniæ.

§. 1. In Galicia.

IN Clavigy campo saxa reperiuntur affabré facta, quæ repræsentant Bacillos & Conchas marinas quas peregrini Sancti Iacobiferre solent, hæc sponte in terrâ concrescunt. *Io. Eusebius Nierembergius.*

Ad Minium fluuium non procul à *Rihadia* oppido, locus est vbi aura semper videtur caligare. Nemo hic stare potest quin illicò sudet, vaporibus nempe ex sulphureâ terrâ exeuntibus. *And. Baccius lib. 4. de Thermis.*

In portu *Mongie* crescens æstus in saxis, quibus littus sparsum est, crucis & balistarum efformat, sed sequenti die figuræ impressas deleter, & nouas effingit, naturæ pio lusu ac planè mirabili.

In eodem quoque portu nauis è saxo tota visitur, cum malo, velis, & antennis. *Molina in descript. Galleor. e.*

Ad S. Iacobi sepulchrum *Compostelle*, audiuntur armorum strepitus, quoties grande aliquod periculum imminent Ibericis exercitibus. *Euseb. Nierembergius.*

In Montanis *Cebreti* ad caput *Lori* fluminis visitur fons *Louzara* nomine, hic more pelagi crescit, & decrescit, eodem tamen vere & hyeme decremento, licet 20. leucis Hispanicis à mari dissipatus sit. *Molina in descript. Gal.*

Compostelle saxum in quo primum repositum S. Iacobii corpus, ad contactum reliquiarum excauatum est sponte ad instar sepulchri; & istumulus haec tenus durauit integer. *Idem.*

Ex lacu qui dicitur *las lamas de Gua*, oritur Fl. *Tamoyus*. Hic exortu suo per aliquot anni menses ingentes mugitus edit; quitanus si proprius accedas recedere videntur. *Idem Molina.*

§. 2. In Castella.

NON procul *Madrito* videtur Icon Christi è cruce pendens, quam natura saxo impressit, in quâ nihil videtur deesse ad perfec-

Rr ij

Etam, & elaboratam Crucifixi imaginem. *Nierembergius.*

Compluti seruantur hostiæ quæ numquam putrescere potuerunt, quamquam in loco repositæ vbi omnia facile corrumpuntur.

Idem.

Ibidem è saxo in quo SS. Iustus & Pastor securi percussi sunt oleum perpetuò stillat, quo multi morbi depelluntur. *Idem Eusebius.*

Arlancie in templo S. Petri ossa Comitis Castellæ Fernandi Gonzali seruantur : ea ingenti fragore percrepant, quoties Hispani celebrem aliquam victoriam relaturi sunt. Imò & cùm res prosperè contra infideles à Christianis gerenda est, quod obseruatum maximè cùm Huniades grandi clade Turcas cecidit 1456. & cùm Granata expugnata est. *Idem Nierembergius.*

In agro Toletano iuxta pagum *Valentiolim* fontes in imo acidi, & vinosi saporis, in superiori parte dulces. Ratio est quia acidæ nitrosæ sunt ac proinde subsidunt. *Andr. Baccius 1. de Thermis.*

Abule apud S. Augustini Moniales, imago Deiparæ colitur in saxe, quam sponte natura delineauit. *Nierembergius.*

Vallisoleti in choro Monasterij S. Claræ sepulchrum visitur Equitis Castellani : quoties ex eo strepitus audiuntur, signum est certissimum aliquem ex eius familiâ breui moriturum. *Idem.*

Supra *Burgos* in pago *Boëtio* fons fluit exinde dictus *Boëtius*, qui in duos lacus influit, in iis qui lauantur fluxum sanguinis patientes illico sanantur. *Idem Eusebius.*

§. 3. In Regno Legionensi.

IN Monasterio Sinticæ, *Zamora* est, Monasterium est Dominicanorum ; in eo ante obitum cuiuslibet Religiosi illic morituri, campana sponte pulsatur. Insonuit illa sàpē nemine decubente, non tamen sine certâ mortis subitæ, & inexpectatæ significacione. *Ioan. Lupus Episc. Monopolensis.*

In Oceano Cantabrico, in parte Orientali Asturiarum, audiuntur virginum voces modulatè canentium. Vnde hæc musica, ignoratur. Autiores tamen indigenarum credunt esse Tritonum & Sirenarum voces dum venere concitantur. *Eusebius Nierembergius.*